

⊕ (rot) Rain sey mir mein leib.
holt sey mir man vnd weip.
Sant Gertrud musse mein warten
gehes todes musse ich nymer ersterben
Sant (56b) Oswalt musse meiner speise pflē-
vnd laß nit vnder wegen gen
Er pflege auch meiner verte
vnd mein vnd meines gutes vnd mein sel
vnd meine wertlicher eren
vnd fuge mir zu allezeit gut geüften
In gotes frid ich da far

⊕ (rot) der hailig gaist mich bewar

⊕ (rot) Gotes hand seind vber mich

⊕ (rot) Gotes füsse seind vor mir

⊕ Gotes gotlicher munt

beschirm mich heut vñ zu aller (57d) stünd

Nu musse ich Johannes als wol geseget sein
als der Kelch vnd der wein

vnd das vil heilig brot

das vnser her seinen zwelf jungern bot

dar zu musse ich Johannes als wol geseget
sey vor allen herzen laid

Der disen segen bey im treid

in guter volēist

Der helff mir der vater der sun vnd der
hailig gaist

Der zu musse mich behuten

Maria (57b) Gotes müter

Vnd musse mich senden in den friden

do sie yñ was

do sie vnsern hern trugk vnd genas

Nu musse ich Johannes als wol geseget sei

Als der Kelch vnd der wein

vñ das vil hailig brot

das vnser her seinen XII jungern pot

+ Sant Jacob

+ Sant diepolt

+ Sant nielaus

+ Sant Johannes

+ Sant peter

+ Sant pauls